

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԼՕ-2020/06, 24.01.2020թ.

**Բողոք բերող անձ՝** «ՔրոսսՆեթ» ՍՊԸ

**Պատվիրատու՝** Հարկադիր կատարումն ահաիովող ծառայություն

**Գնման ընթացակարգի ծածկագիրը՝** «ՀԿԱԾ-ԳՀԾՁԲ-2020/1» գնանշման հարցում

**Գնման առարկան՝** Հանրային հեռախոսային ծառայությունների ձեռքբերում

**Բողոքի պահանջը՝** Պարտավորեցնել «ՀԿԱԾ-ԳՀԾՁԲ-2020/1» ծածկագրով գնանշման

հարցման գնահատող ընթացակարգի հանձնաժողովին կատարել հայտերի

վերագնահատում և մերժել «ԶԻԷՆՍԻ Ալֆա» ՓԲԸ-ի հայտը:

## **ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

### **ՔԱՐՏՈՒՂԱՐ՝ Ռ.ՄԿՐՏՉՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

**ՀՀ գնումների հետ կապված բողոքներ քննող անձին**

**Բողոք բերող՝ «ՔրոսսՆեթ» ՍՊԸ**  
Հասցե՝ ՀՀ, ք. Երևան, Նալբանդյան 28  
Հեռ: +374 60 370030  
Էլ. փոստ՝ lilit@cross.am

**Պատվիրատու՝ ՀՀ ԱՆ հարկադիր կատարումն ապահովող ծառայություն**  
Հասցե՝ ՀՀ, ք. Երևան, Հալաբյան փող., 41ա շենք

**Գնման ընթացակարգի ծածկագիրը և առարկան՝**  
ՀՀ ԱՆ հարկադիր կատարումն ապահովող ծառայության կարիքների համար «Հանրային  
հեռախոսային ծառայությունների» ձեռքբերման նպատակով հայտարարված  
«ՀԿԱԾ-ԳՀԾՁԲ-2020/1» ծածկագրով գնանշման հարցում

**Բ Ո Ղ Ո Ք**

- **Գործի հակիրճ նկարագրությունը և բողոքի փաստերը.**

ՀՀ ԱՆ հարկադիր կատարումն ապահովող ծառայության կարիքների համար «Հանրային հեռախոսային ծառայությունների» ձեռքբերման նպատակով հայտարարվել է «ՀԿԱԾ-ԳՀԾՁԲ-2020/1» ծածկագրով գնանշման հարցում (այսուհետ նաև՝ Ընթացակարգ):

Վերը նշված ընթացակարգին, ի թիվս այլ ընկերությունների, մասնակցության հայտ է ներկայացրել նաև «ՔրոսսՆեթ» ՍՊԸ-ն՝ առաջարկելով 10.855.800 ՀՀ դրամ գնային առաջարկ /ընդհանուր գին/ և ճանաչվել առաջին տեղ զբաղեցնող մասնակից:

Այնուհետև՝ Ընթացակարգի գնահատող հանձնաժողովը 14.01.2020թ. տեղի ունեցած նիստի թիվ 3 արձանագրության 2 կետի համաձայն՝ «ՀԿԱԾ-ԳՀԾՁԲ-2020/1» ծածկագրով գնման ընթացակարգին հայտ ներկայացրած մասնակիցներին ծանուցել է 17.01.2020թ. գների նվազեցման միաժամանակյա բանակցությունների:

Ընթացակարգի գնահատող հանձնաժողովը 20.01.2020թ. տեղի ունեցած նիստի թիվ 4 արձանագրության 1 կետի բ. ենթակետի համաձայն՝ բանակցությունների արդյունքում նվազագույն գնային առաջարկ է ներկայացրել «ՋիԷնՍի Ալֆա» ՓԲԸ-ն առաջարկելով պայմանագիրն իրականացնել 6.332.000 ՀՀ դրամ գումարով /ներառյալ ԱԱՀ/, որի մասին տեղում ծանուցել են «ՔրոսսՆեթ» ՍՊԸ-ի և «Ջիթել» ՍՊԸ-ի ներկայացուցիչները:



Իսկ արդեն նույն արձանագրության 1 կետի գ. ենթակետի համաձայն՝ հանձնաժողովը որոշեց «ՀԿԱՄ-ԳՀԾԶԲ-2020/1» ծածկագրով գնման ընթացակարգի ընտրված մասնակից ճանաչել <<ՋիԷնՍի Ալֆա>> ՓԲԸ-ին:

• Բողոքի իրավական հիմքերը և հիմնավորումները.

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ինչպես արդեն հայտնել ենք՝ <<ՔրոսսԵթ>> ՍՊԸ-ն մասնակցության հայտ է ներկայացրել ՀՀ ԱՆ հարկադիր կատարումն ապահովող ծառայության կարիքների համար <<Հանրային հեռախոսային ծառայությունների>> ձեռքբերման նպատակով հայտարարված «ՀԿԱՄ-ԳՀԾԶԲ-2020/1» ծածկագրով գնանշման հարցման ընթացակարգին և որպես նվազագույն գնային առաջարկ ներկայացրած մասնակից ճանաչվել առաջին տեղ զբաղեցնող մասնակից.

<<ՔրոսսԵթ>> ՍՊԸ - 10.855.800 ՀՀ դրամ,

<<Ջիթել>> ՍՊԸ – 13.478.400 ՀՀ դրամ,

<<ՋիԷնՍի Ալֆա>> ՓԲԸ – 12.960.000 ՀՀ դրամ:

Այնուհետև՝ Ընթացակարգի գնահատող հանձնաժողովը 20.01.2020թ. տեղի ունեցած նիստի թիվ 4 արձանագրության 1 կետի բ. ենթակետի համաձայն՝ գների նվազեցման միաժամանակյա բանակցությունների արդյունքում՝ որպես նվազագույն գնային առաջարկ ներկայացրած մասնակից է ճանաչում <<ՋիԷնՍի Ալֆա>> ՓԲԸ-ին /6.332.000 ՀՀ դրամ/:

Gnumner.am համացանցային կայքում հրապարակված տեղեկատվության համաձայն՝ 21.01.2020թ. հրապարակվել է պայմանագիր կնքելու մասին հայտարարություն, որտեղ նշված չէ անգործության ժամկետ, որպեսզի հնարավոր լինի ՀՀ գնումների հետ կապված բողոքներ քննող



անձին ներկայացնել բողոք՝ գնահատող հանձնաժողովի գործողությունների կամ անգործության վերաբերյալ:

1. <<Գնումների մասին>> ՀՀ օրենքի 28-րդ հոդվածի 1-ին մասի 9-րդ և 10-րդ ենթակետերի համաձայն՝ հրավերը պետք է պարունակի.

- հայտով ներկայացվող գնի հաշվարկման կարգը, ներառյալ՝ զինը արտարժույթով ներկայացվելու դեպքում՝ դրա փոխարժեքը.

- նշում է այն մասին, որ առաջարկվող զինը, ապրանքների, աշխատանքների և ծառայությունների արժեքից բացի ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և չի կարող պակաս լինել դրանց ինքնարժեքից: Առաջարկվող գնի հաշվարկը պետք է ներկայացվի հայտով:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Համաձայն՝ «ՀԿԱՄ-ԳՀԾԶԲ-2020/1» ծածկագրով գնանշման հարցման ընթացակարգի հրավերի 5.1 և 5.2 կետերի՝ առաջարկվող զինը ծառայության արժեքից բացի ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և չի կարող պակաս լինել դրանց ինքնարժեքից: Առաջարկվող գնի հաշվարկը պետք է ներկայացվի հայտով համակարգի միջոցով:

5.2 - Մասնակիցը գնային առաջարկը ներկայացնում է ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Ինքնարժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա ներկայացվող գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը:

Ընդ որում՝ ա) մասնակիցների գնային առաջարկների գնահատումն ու համեմատումն իրականացվում են առանց սույն կետում նշված հարկի գումարի հաշվարկման.

Սակայն մրցույթին հայտ ներկայացրած <<ՋիէնՍի Ալֆա>> ՓԲԸ-ի գնային առաջարկի, իսկ այնուհետև գների նվազեցման միաժամանակյա բանակցությունների արդյունքում ներկայացված գնային առաջարկի ուսումնասիրությունը ցույց է տալիս, որ վերջիններիս կողմից գնային

առաջարկով ներկայացրած անգամ արժեքը (ինքնարժեքի և կանխատեսվող շահույթի հանրագումարը) պակաս է, քան տվյալ աշխատանքի ինքնարժեքը, ինչը չի կարող ուղղակի գոյություն ունենալ:

Գտնում ենք, որ Ընթացակարգի գնահատող հանձնաժողովը, ղեկավարվելով <<Գնումների մասին>> ՀՀ օրենքի 28-րդ հոդվածի 10-րդ կետի, 34-րդ հոդվածի 1-ին մասի և մրցույթի Հրավերի 5.1. կետի պահանջներով՝ պետք է առնվազն մերժեր <<ՋիէնՍի Ալֆա>> ՓԲԸ-ի կողմից գների նվազեցման միաժամանակյա բանակցությունների արդյունքում ներկայացված գնային առաջարկը, քանի որ գնային առաջարկով ներկայացրած արժեքի /ինքնարժեքի/ զինը պակաս է հրավերով նախատեսված տվյալ ծառայության նախահաշվով նախատեսված ծառայության ինքնարժեքից:

Հակառակ դեպքում կստացվի, որ «ՀԿԱԾ-ԳՀԾԶԲ-2020/1» ծածկագրով գնանշման հարցման ընթացակարգի գնահատող հանձնաժողովը թույլ է տվել <<Գնումների մասին>> ՀՀ օրենքի 28-րդ հոդվածի 10-րդ կետի, 34-րդ հոդվածի 1-ին մասի և մրցույթի Հրավերի 5.1. կետի պահանջների խախտում:

2. Համաձայն՝ «ՀԿԱԾ-ԳՀԾԶԲ-2020/1» ծածկագրով գնանշման հարցման ընթացակարգի հրավերի 8.24 կետի՝ *մինչև պայմանագիր կնքելը պատվիրատուն տեղեկագրում հրապարակում է հայտարարություն պայմանագիր կնքելու որոշման մասին ոչ ուշ, քան ընտրված մասնակցի մասին որոշման ընդունմանը հաջորդող առաջին աշխատանքային օրը: Պայմանագիր կնքելու մասին որոշումը պարունակում է ամփոփ տեղեկատվություն հայտերի գնահատման և ընտրված մասնակցի ընտրությունը հիմնավորող պատճառների մասին ու հայտարարություն անգործության ժամկետի վերաբերյալ:*

Նույն հրավերի 8.25 կետի համաձայն՝ *անգործության ժամկետը պայմանագիր կնքելու մասին որոշման հայտարարության հրապարակման օրվան հաջորդող օրվա և պատվիրատուի կողմից պայմանագիրը կնքելու իրավասության առաջացման օրվա միջև ընկած ժամանակահատվածն է:*

Անգործության ժամկետը սույն ընթացակարգի դեպքում «5» օրացուցային օր է: Անգործության ժամկետը կիրառելի չէ, եթե միայն մեկ մասնակից է հայտ ներկայացրել, որի հետ կնքվում է պայմանագիր:



Այս փաստի հետ կապված գտնում ենք, որ գնահատող հանձնաժողովի կողմից անհասկանալի և կասկածելի պայմաններում պայմանագիր կնքելու մասին հայտարարության մեջ չի նշվել անգործության ժամկետ՝ բողոք ներկայացնելու փաստի հետ պայմանավորված:

Ավելին՝ «ՔրոսսԵթ» ՍՊԸ-ի ներկայացուցչի կողմից զանգ է կատարվել Պատվիրատուին, որին ի պատասխան Պատվիրատուի ներկայացուցիչը հայտնել է, որ նոր Կարգով անգործության ժամկետ չի սահմանվում, մինչդեռ Ընթացակարգի հրավերի 8.25 կետով նշվել է՝ անգործության ժամկետը սույն ընթացակարգի դեպքում «5» օրացուցային օր է:

Գտնում ենք, որ առնվազն այս մասով նույնպես գնահատող հանձնաժողովի կողմից թույլ են տրվել խախտումներ, քանի որ նույն հրավերի 8.24 կետով հստակ սահմանվում է, որ Պատվիրատուն պարտավոր է՝ մինչև պայմանագիր կնքելը տեղեկագրում հրապարակել հայտարարություն պայմանագիր կնքելու որոշման մասին ոչ ուշ, քան ընտրված մասնակցի մասին որոշման ընդունմանը հաջորդող առաջին աշխատանքային օրը, որում պարտադիր պետք է նշվի հայտարարություն՝ անգործության ժամկետի վերաբերյալ:

Օրենքի 50-րդ հոդվածի 7-րդ մասի 1-ին կետի համաձայն՝ ՀՀ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ,

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

Ելնելով վերոգրյալից՝ ՀՀ գնումների հետ կապված բողոքներ քննող անձին

## ԽՆԴԸՆԵՍ ԵՍ՝

**Պարտավորեցնել «ՀԿԱԾ-ԳՀԾԶԲ-2020/1» ծածկագրով գնանշման հարցման ընթացակարգի գնահատող հանձնաժողովին կատարել հայտերի վերագնահատում և մերժել «ՋիԷնՍի Ալֆա» ՓԲԸ-ի հայտը:**

Կից ներկայացվում է՝

1. Պետական տուրքի վճարման անդորրագիրը:
2. «ՔրոսսԵթ» ՍՊԸ-ի տնօրեն Վ. Ալեքսանյանի անձնագրի պատճեն:

3. «ՀԿԱԾ-ԳՀԾՁԲ-2020/1» ծածկագրով գնանշման հարցման ընթացակարգին հայտեր ներկայացրած մասնակիցների գնային առաջարկները:

4. Ընթացակարգի գնահատող հանձնաժողովի 14.01.2020թ. տեղի ունեցած նիստի թիվ 3 և 20.01.2020թ. տեղի ունեցած նիստի թիվ 4 արձանագրությունների պատճենները:

5. gnumner.am կայքում հրապարակված «ՀԿԱԾ-ԳՀԾՁԲ-2020/1» ծածկագրով պայմանագիր կնքելու որոշման մասին հայտարարության արտատպման պատճեն:

Առդիր 9 թերթ:

Հարգանքով՝

<<ՔրոսսՆեթ>> ՍՊԸ-ի տնօրեն՝



24. 01. 2020թ.